

II

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 01-04-33546/21                      Predsjedavajući  
07. septembra 2021. godine      Skupštine Kantona Sarajevo  
Sarajevo                                      **Elvedin Okerić**, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 14/01, 28/04, 6/13 i 31/17), člana 39. Zakona o ustanovama ("Službeni list R BiH", br. 6/90, 8/93 i 13/94) i čl. 6. i 8. Zakona o imovini Kantona Sarajevo ("Službene novine Kantona Sarajevo", br. 06/97, 09/98 - Presuda Ustavnog suda, 05/10 - Presuda Ustavnog suda i 27/16), Skupština Kantona Sarajevo, na 41. Radnoj sjednici održanoj dana 13.09.2021. godine, donijela je

**ODLUKU**

**O DAVANJU SAGLASNOSTI NA SPORAZUM O  
POSLOVNOJ SARADNJI**

I

Prihvata se tekst Sporazuma o poslovnoj saradnji kojim se regulišu međusobni odnosi na zajedničkoj realizaciji Projekta izgradnje objekta Javne ustanove Osnovna škola "Pofalići" sa vanjskim uređenjem sa Općinom Novo Sarajevo i Zavodom za izgradnju Kantona Sarajevo.

II

Daje se saglasnost ministrici za odgoj i obrazovanje Kantona Sarajevo da potpiše Sporazum iz tačke I ove odluke.

III

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-34-34040/21                      Predsjedavajući  
13. septembra 2021. godine      Skupštine Kantona Sarajevo  
Sarajevo                                      **Elvedin Okerić**, s. r.

Na osnovu člana 18, stav (1) tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04 i 31/17), člana 15. stav (3) Zakona o pravobranilaštvu ("Službene novine Kantona Sarajevo", broj 33/08 - Novi prečišćeni tekst, 7/12 i 44/16) i člana 119. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13, 47/15, 47/16, 9/20 i 14/20), Skupština Kantona Sarajevo, na 41. Radnoj sjednici održanoj dana 13.09.2021. godine, donijela je

**ODLUKU**

**O DAVANJU SAGLASNOSTI NA NACRTE UGOVORA  
O KUPOPRODAJI NEKRETNINA NA LOKACIJI  
ROSULJE, OPĆINA VOGOŠĆA, OBJEKAT "3-D"**

Član 1.

Daje se saglasnost Fondu Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, na nacrt ugovora o kupoprodaji nekretnina u stambenom objektu 3-D, izgrađenom u naselju Rosulje, općina Vogošća, koje će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Investitor/Prodavač, zaključiti sa kupcima nekretnina, kako slijedi:

1. Nacrt Ugovora o kupoprodaji - stan broj 19, na drugom spratu ulaza 3D1, površine 42,98 m<sup>2</sup>, kao poseban etažni dio objekta kolektivnog stanovanja Rosulje-objekat 3-D, upisan u

z.k. ul. br. 7590 k.o. Vogošća, na par. br. 1500/7EZ2U1J19 iste k.o., koji će se zaključiti sa kupcima Lejla Ljutović-Džabija i Adnan Džabija iz Sarajeva (obrađen kod izabranog i ovlaštenog notara Ljubiše Markovića iz Sarajeva).

Član 2.

Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, na osnovu ove Odluke može potpisati Ugovore iz člana 1. ove Odluke sa navedenim kupcima.

Član 3.

Ova Odluka važi od dana donošenja, a objavit će se u "Službenim novinama Kantona Sarajevo".

Broj 01-04-34039/21                      Predsjedavajući  
13. septembra 2021. godine      Skupštine Kantona Sarajevo  
Sarajevo                                      **Elvedin Okerić**, s. r.

Na osnovu člana 12. tačka b) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), čl. 3. i 6. Zakona o ustanovama ("Službeni list R BiH", br. 6/92, 8/93 i 13/94), Skupština Kantona Sarajevo, na sjednici održanoj dana 13.09.2021. godine, donijela je

**ODLUKU**

**O OSNIVANJU JAVNE USTANOVE INSTITUT ZA  
RAZVOJ PREDUNIVERZITETSKOG OBRAZOVANJA  
KANTONA SARAJEVO**

**I – OSNOVNE ODREDBE**

Član 1.

(Predmet)

Ovom odlukom osniva se Javna ustanova "Institut za razvoj preduniverzitetskog obrazovanja Kantona Sarajevo" (u daljem tekstu: Institut) kao javna ustanova i uređuju pitanja koja se odnose na: naziv i sjedište osnivača, naziv i sjedište Instituta, djelatnost, iznos sredstava za osnivanje i početak rada, izvore i način finansiranja, međusobna prava i obaveze između osnivača i Instituta, lice koje će, do imenovanja organa rukovođenja, predstavljati i zastupati Institut, njegova ovlaštenja i odgovornosti, rok za donošenja Pravila Instituta, imenovanje organa upravljanja, organa nadzora i rukovođenja i druga pitanja značajna za rad Instituta.

**II – NAZIV OSNIVAČA**

Član 2.

(Naziv osnivača Instituta)

- (1) Osnivač Instituta je Kanton Sarajevo (u daljem tekstu: Kanton).
- (2) Prava i dužnosti osnivača obavljaće Ministarstvo za odgoj i obrazovanje Kantona Sarajevo (u daljem tekstu: Ministarstvo) i Vlada Kantona Sarajevo (u daljem tekstu: Vlada), u intenzivnoj saradnji sa Ministarstvom za nauku, visoko obrazovanje i mlade Kantona Sarajevo, svako u okviru svojih nadležnosti.

Član 3.

(Sjedište osnivača Instituta)

Sjedište osnivača je u Sarajevu, ulica Reisa Džemaludina Čauševića broj 1.

**III – NAZIV I SJEDIŠTE JAVNE USTANOVE**

Član 4.

(Naziv Instituta)

- (1) Institut će poslovati pod nazivom: Javna ustanova Institut za razvoj preduniverzitetskog obrazovanja Kantona Sarajevo.

- (2) Skraćeni naziv Instituta je: JU Institut za razvoj preduniverzitetskog obrazovanja Kantona Sarajevo.

Član 5.

(Sjedište Instituta)

Sjedište Instituta je u Sarajevu, ulica Aleja Bosne Srebrne bb/IX.

Član 6.

(Pečat i štambilj Instituta)

- (1) Institut ima pečat okruglog oblika, promjera 50 mm (veliki pečat) i pečat promjera 30 mm (mali pečat), sa tekstom u koncentričnim krugovima istovremeno ispisanim: "Bosna i Hercegovina, Federacija Bosne i Hercegovine, Kanton Sarajevo ispisanim velikim slovima, Javna ustanova Institut za razvoj preduniverzitetskog obrazovanja Kantona Sarajevo – Sarajevo".
- (2) U sredini pečata nalazi se grb Kantona.
- (3) Štambilj Instituta je pravougaonog oblika dimenzija 40 x 70 mm sa ispisanim nazivom javne ustanove, brojem i datumom.
- (4) Druga pitanja koja se odnose na izradu i uništavanje pečata, broj, upotrebu i čuvanje pečata i štambilja Instituta uređuju se Zakonom o pečatima Kantona Sarajevo ("Službene novine Kantona Sarajevo", br. 3/09, 36/15 i 15/18), Pravilima Instituta i aktima direktora.

Član 7.

(Sticanje svojstva pravnog lica)

Upisom u sudski registar kod nadležnog suda u Sarajevu, Institut stiče status pravnog lica.

Član 8.

(Pravila Instituta)

- (1) Pitanja u vezi sa organizacijom, načinom rada i funkcioniranjem Instituta uređuje se Pravilima Instituta (u daljem tekstu: Pravila) u skladu sa propisima koji se odnose na javne ustanove.
- (2) Pravila donosi Upravni odbor uz prethodno pribavljenu saglasnost Ministarstva.
- (3) Pravila sadrže:
- naziv i sjedište Instituta;
  - podatke o osnivaču;
  - obaveze Instituta prema osnivaču;
  - djelatnost;
  - način i uvjete obavljanja djelatnosti;
  - odnos prema korisnicima usluga;
  - prava i obaveze;
  - statusne promjene;
  - način raspoređivanja sredstava za rad;
  - organ upravljanja;
  - imenovanje i razrješenje direktora;
  - naziv drugih organa Instituta, njihova prava, obaveze, odgovornosti, uvjete i način njihovog izbora i razrješenja;
  - opća akta Instituta i način njihovog donošenja;
  - lica ovlaštena da, pored direktora, zastupaju Institut, njihova ovlaštenja i odgovornosti;
  - način ostvarivanja javnosti rada i
  - druga pitanja utvrđena zakonom i druge odredbe od značaja za rad i za ostvarivanje prava, obaveza i odgovornosti radnika Instituta.

#### IV – DJELATNOST INSTITUTA

Član 9.

(Djelatnost Instituta)

- (1) Djelatnosti Instituta su:
- 58.11 Izdavanje knjiga;
  - 58.13 Izdavanje novina;
  - 58.14 Izdavanje časopisa i periodičnih publikacija;

- 58.19 Ostala izdavačka djelatnost;
- 58.21 Izdavanje računarskih igara;
- 58.29 Izdavanje ostalog softvera;
- 72.19 Ostalo istraživanje i eksperimentalni razvoj u prirodnim, tehničkim i tehnološkim naukama;
- 72.20 Istraživanje i eksperimentalni razvoj u društvenim i humanističkim naukama i
- 74.90 Ostale stručne, znanstvene i tehničke djelatnosti, d. n..

- (2) Institut će ostvarivati djelatnosti putem: praćenja i vrednovanja, unapređenja i razvoj sistema predškolskog i osnovnoškolskog odgoja i obrazovanja, srednjoškolskog i obrazovanja odraslih koje nije visoko obrazovanje.

- (3) U obavljanju djelatnosti Institut:

- učestvuje u provođenju preduniverzitetske obrazovne reforme;
- učestvuje u izradi i inoviranju nastavnih planova i programa preduniverzitetskog obrazovnog nivoa; daje stručna mišljenja o nastavnim planovima i programima osnovnog i srednjoškolskog obrazovanja; prati provedbu, vrednuje kvalitet i revidira nastavne planove i programe; utvrđuje i razvija nastavne planove i programe za pojedina područja i predmete; te obavlja i druge poslove u vezi sa nastavnim planovima i programima u skladu sa zakonima;
- izrađuje kataloge očekivanih ishoda učenja preduniverzitetskog obrazovanja;
- učestvuje u izradi i inoviranju, provođenju i evaluiranju vannastavnih planova i programa s ciljem postizanja cjelovitog razvoja djeteta i učenika;
- prati i vrednuje primjenu metoda, oblika i tehnika rada u odgojno-obrazovnom procesu;
- vrši provjeru učeničkih postignuća u skladu sa standardima znanja koje propisuje Agencija za predškolsko, osnovno i srednje obrazovanje;
- učestvuje u organizaciji i provođenju eksterne mature i drugih oblika eksternih i internih evaluacija odobrenih od strane Ministarstva u skladu sa zakonom te vrši njihovu analizu koju dostavlja Ministarstvu sa prijedlogom mjera za njihovo unapređenje;
- izrađuje standarde zanimanja odgajatelja/nastavnika/stručnih saradnika, prati i vrednuje stepen njihovog dostignuća;
- pruža stručnu pomoć, izrađuje kataloge tema i predlaže akreditaciju programa za profesionalni razvoj, kontinuirano organizira i provodi stručno usavršavanje/obuke te vrši praćenje stručnog usavršavanja odgajatelja/nastavnika/stručnih saradnika/saradnika/pomoćnika direktora/direktora u odgojno-obrazovnom procesu i psihosocijalnom razvoju djece i učenika;
- učestvuje u pripremi, organizaciji i realizaciji sjednica stručnih aktiva direktora predškolskih ustanova, osnovnih i srednjih škola;
- prati, vrednuje i ocjenjuje kvalitet rada odgojno-obrazovnih ustanova, odgajatelja/nastavnika/stručnih, saradnika i direktora u odgojno-obrazovnom procesu i psiho-socijalnom razvoju učenika;
- pruža stručnu podršku odgoju, obrazovanju i rehabilitaciji djece sa teškoćama u razvoju;
- učestvuje u izradi, provodi i prati programe izvrsnosti i liderstva učenika;

- n) učestvuje u izradi, provodi i prati programe za djecu iseljeničtva i dijasporu;
  - o) organizira i provodi smotre/takmičenja djece/učenika;
  - p) prati, vrednuje i ocjenjuje ispunjenost pedagoških standarda i normativa, te predlaže izmjene istih, učestvuje u razvoju i unaprjeđenju školske infrastrukture;
  - r) provodi stručna i naučna istraživanja u odgoju i obrazovanju, predlaže mjere za unaprjeđenje odgojno-obrazovnog rada na osnovu rezultata provedenih istraživanja;
  - s) saraduje sa univerzitetima, ustanovama, organizacijama, lokalnom zajednicom i stručnjacima u zemlji i inostranstvu;
  - t) obavlja informacijsko-dokumentacijske i izdavačke poslove, prati provedbu udžbeničke politike i daje prijedloge za unaprjeđenje udžbenika i drugih nastavnih materijala, te realizira programe unaprjeđenja udžbenika i nastavnih materijala;
  - u) predlaže i prati realizaciju strategija za sve nivoe i oblike obrazovanja do visokog obrazovanja;
  - v) pruža stručnu podršku i učestvuje u izradi godišnjeg programa rada škole;
  - z) analizira izvještaj o radu škole na kraju prvog polugodišta i godišnji izvještaj o radu škole;
  - aa) izrađuje analize, uključujući i sekundarnu analizu međunarodnih istraživanja (PISA, TIMSS, PIRLS i slično), priprema izvještaje i na osnovu dobijenih rezultata daje prijedloge mjera za unaprjeđenje odgojno-obrazovnog rada;
  - bb) prisustvuje realizaciji nastave, ispita i drugih oblika odgojno-obrazovnog rada;
  - cc) učestvuje u izradi ishoda učenja na nastavničkim fakultetima;
  - dd) predlaže univerzitetima uvođenje novih programa na nastavničke fakultete i usmjerenja;
  - ee) predlaže Ministarstvu i nadležnim organima preduzimanje neophodnih mjera za unaprjeđivanje rada odgojno-obrazovnih ustanova te otklanjanje nepravilnosti i nedostataka i
  - ff) obavlja i druge poslove u skladu sa zakonom i ovom odlukom.
- (4) Aktivnosti Instituta su u funkciji provođenja obrazovne reforme kroz stalno osiguravanje stručnih informacija i pružanje stručne pomoći koje služe kao polazišta organima i institucijama nadležnim za odlučivanje i vođenje obrazovne politike.

#### V – SREDSTVA ZA OSNIVANJE I POČETAK RADA INSTITUTA

##### Član 10.

(Sredstva za osnivanje i odgovornost u pravnom prometu)

- (1) Osnivački ulog Instituta je 1.000,00 KM (slovima: jedna hiljada konvertibilnih maraka).
- (2) Sredstva za osnivanje Instituta obezbjeđuje Kanton.
- (3) Za svoje obaveze Institut odgovara svom svojom imovinom-potpuna odgovornost.
- (4) Osnivač supsidijarno odgovara za obaveze Instituta.

#### VI – IZVOR I NAČIN OSIGURANJA SREDSTAVA ZA RAD INSTITUTA

##### Član 11.

(Osiguranje sredstava za rad)

Osnivač je obavezan osigurati sredstva za:

- a) plaće i ostale naknade koje nemaju karakter plaće za sve radnike;
- b) materijalne troškove za obavljanje djelatnosti iz člana 9. ove odluke;
- c) stručno usavršavanje i obuku radnika;
- d) tekuće i investiciono održavanje objekata i opreme i
- e) ostale programske aktivnosti Instituta.

##### Član 12.

(Sredstva i imovina Instituta)

- (1) Sredstva čine stvari, prava i novac.
- (2) Imovinu Instituta čine pokretna i nepokretna dobra i/ili prava vlasništva, sredstva koja se koriste u poslovanju Instituta, oprema i druga sredstva.

##### Član 13.

(Sticanje prihoda)

- (1) Pored sredstava koja osigurava osnivač iz čl. 11. i 12. ove odluke, Institut može obavljati komercijalnu djelatnost i stjecati vlastite prihode pod uvjetom da ne ugrozi osnovnu registriranu djelatnost i to iz:
  - a) tekućih transfera drugih nivoa vlasti i međunarodnih organizacija;
  - b) donacijom pravnih i fizičkih lica, legata, zavještanja;
  - c) vlastitih prihoda koje uredbom utvrdi Vlada;
  - d) izdavačke djelatnosti i
  - e) drugih izvora u skladu sa zakonom.
- (2) Prihodi iz stava (1) ovog člana uplaćuju se na jedinstveni račun Budžeta Kantona Sarajevo u skladu sa propisom koji reguliše navedenu oblast.

##### Član 14.

(Finansijski plan)

- (1) Sredstva Instituta i njihov raspored za pojedine namjene, utvrđuju se Finansijskim planom Instituta, kojeg za svaku poslovnu godinu, na prijedlog direktora, utvrđuje Upravni odbor i putem Ministarstva dostavlja Vladi i Skupštini Kantona Sarajevo (u daljem tekstu: Skupština).
- (2) Konačan finansijski plan Instituta donosi se u skladu sa odredbama zakona koji reguliše ovu oblast.
- (3) Finansijski plan je sastavni dio Godišnjeg plana i programa rada Instituta.
- (4) Pored godišnjeg Finansijskog plana, Institut je obavezan da donosi i kvartalne finansijske planove.

##### Član 15.

(Finansijsko poslovanje)

- (1) Finansijsko poslovanje Instituta vrši se u skladu sa propisima koji reguliše trezorsko poslovanje.
- (2) Izvještavanje o finansijskom poslovanju vrši se i u skladu sa propisima kojima se reguliše izvršenje budžeta.

#### VII - ORGANI INSTITUTA

##### Odjeljak A. – Upravni odbor

##### Član 16.

(Organ upravljanja)

- (1) Organ upravljanja u Institutu je Upravni odbor, koji broji pet članova, od čega je: jedan predstavnik iz reda radnika Instituta, tri člana koja predlaže Ministarstvo i jedan član kojeg predlaže Ministarstvo za nauku, visoko obrazovanje i mlade Kantona Sarajevo.
- (2) Članove Upravnog odbora u skladu sa Zakonom o ministarskim, vladinim i drugim imenovanjima ("Službene novine Federacije BiH", br. 12/03, 34/03 i 65/13), nakon provedene procedure javnog oglašavanja, imenuje i razrješava Vlada, na prijedlog Ministarstva.
- (3) Mandat članova Upravnog odbora je četiri godine s mogućnošću jednog reizbora, a mandat člana teče od dana konstituisanja Upravnog odbora.

- (4) U slučaju kada Upravni odbor nije imenovan, Vlada imenuje vršioca dužnosti predsjednika i članova Upravnog odbora u skladu sa zakonom.

Član 17.

(Nadležnosti Upravnog odbora)

- (1) Upravni odbor je nadležan za:
- donošenje Pravila, Pravilnika o radu i drugih općih akata u skladu sa zakonom;
  - utvrđivanje Godišnjeg plana i programa rada;
  - imenovanje i razrješenje dužnosti direktora;
  - donošenje odluke o raspisivanju konkursa za prijem radnika;
  - donošenje Finansijskog plana i usvajanje Godišnjeg obračuna;
  - odlučivanje o korištenju sredstava preko iznosa utvrđenog Pravilima i zakonom;
  - donošenje Plana javnih nabavki;
  - usvajanje Izvještaja o radu i finansijskom poslovanju;
  - odlučivanje o promjeni unutrašnje organizacije;
  - predlaganje osnivaču promjene djelatnosti i statusnih promjena;
  - odlučivanje o svim pitanjima obavljanja djelatnosti radi kojih je Javna ustanova osnovana, ako zakonom nije regulisano da o određenim pitanjima odlučuje neko drugi;
  - rješavanje svih pitanja odnosa sa osnivačem;
  - odlučivanje o prigovoru radnika na rješenje kojim je drugi organ Javne ustanove određen Pravilima odlučio o pravu, obavezi i odgovornosti radnika iz radnog odnosa i
  - druga pitanja u skladu sa zakonom i Pravilima.
- (2) Upravni odbor odluke donosi većinom glasova svih članova, ako zakonom ili Pravilima, za odlučivanje o pojedinim pitanjima, nije određena druga kvalifikovana većina.
- (3) Ostale nadležnosti Upravnog odbora bliže se uređuju Pravilima.

**Odjeljak B.- Nadzorni odbor**

Član 18.

(Nadzorni odbor)

- Organ kontrole poslovanja Instituta je Nadzorni odbor.
- Nadzorni odbor broji tri člana čijeg predsjednika i članove imenuje i razrješava Vlada u skladu sa Zakonom o ministarskim, vladinim i drugim imenovanjima.
- Jedan član Nadzornog odbora imenuje se iz reda stručnih radnika zaposlenih u Institutu, jedan član kojeg predlaže Ministarstvo i jedan član kojeg predlaže Ministarstvo za nauku, visoko obrazovanje i mlade Kantona Sarajevo.
- Članove Nadzornog odbora, nakon provedene procedure javnog oglašavanja upražnjenih pozicija imenuje i razrješava Vlada, na prijedlog Ministarstva.
- Mandat članova Nadzornog odbora je četiri godine.
- Nadzorni odbor:
  - analizira izvještaj o poslovanju Instituta;
  - u obavljanju nadzora nad upotrebom sredstava za rad, pregleda Godišnji izvještaj o poslovanju i godišnji obračun;
  - pregleda i provjerava urednost i zakonitost vođenja poslovnih knjiga i
  - izvještava osnivača, upravni odbor i direktora o rezultatima nadzora.
- U slučaju kada Nadzorni odbor nije imenovan, Vlada imenuje vršioca dužnosti predsjednika i članova Nadzornog odbora u skladu sa zakonom.

**Odjeljak C.- Direktor**

Član 19.

(Direktor Instituta)

- Organ rukovođenja u Institutu je direktor.
- Direktor organizira i rukovodi radom, zastupa i predstavlja Institut prema trećim licima i odgovoran je za zakonitost i stručnost njenog rada u skladu sa zakonom, ovom odlukom i drugim propisima.
- Direktor Instituta ne može biti član Upravnog ili Nadzornog odbora Instituta.
- U rukovođenju Institutom direktor ima slijedeće nadležnosti:
  - da Upravnom odboru predlaže mjere za efikasno, zakonito i stručno obavljanje djelatnosti radi kojih je Institut osnovan;
  - da predlaže Pravila Instituta, Pravilnik o radu i Godišnji plan i program rada Instituta;
  - da predlaže i realizira Finansijski plan Instituta;
  - da na kraju godine podnese Izvještaj Upravnom odboru o rezultatima rada i finansijskom poslovanju Instituta;
  - da, u skladu sa ovom odlukom i Pravilima Instituta, u rad uključi Stručno vijeće Instituta;
  - da prati realizaciju poslova i ostvarivanja zaključaka Stručnog vijeća Instituta;
  - da prati materijalno-finansijsko poslovanje Instituta;
  - da predlaže plan javnih nabavki;
  - da saraduje sa domaćim i međunarodnim institucijama i organizacijama kojima su u nadležnosti pitanja iz odgoja i obrazovanja;
  - da priprema i organizira sjednice organa upravljanja i kontrole poslovanja te stručnog organa Instituta;
  - da odlučuje o pravima, obavezama i odgovornostima radnika Instituta iz radnog odnosa i da vrši druge poslove u skladu sa zakonom i Pravilima.
- Direktor je dužan da obustavi od izvršenja opći akt koji nije u saglasnosti sa Ustavom ili je u suprotnosti sa zakonom, kao i pojedinačni akt kojim se nanosi šteta Institutu ili društvenoj zajednici i da o tome obavijesti Ministarstvo.
- Sva druga pitanja koja se odnose na imenovanje i razrješenje direktora, djelokrug rada, njegova prava i obaveze uređuju se posebnom odlukom Vlade.

Član 20.

(Imenovanje direktora Instituta)

- Direktora Instituta imenuje i razrješava Upravni odbor, uz saglasnost Vlade, nakon provedene procedure javnog oglašavanja upražnjene pozicije.
- Za direktora Instituta može se imenovati lice koje je, osim općih i posebnih uslova utvrđenih normativnim okvirom, steklo najmanje VII stepen stručne spreme ili ima završen najmanje drugi ciklus bolonjskog visokoobrazovnog procesa, te posjeduje iskustvo u radu na rukovodećim pozicijama i najmanje 15 godina radnog staža.
- Direktor Instituta se imenuje na period od četiri godine s mogućnošću reizbora, bez ograničenja broja mandata.
- Lice kojim je Vlada odbila dati saglasnost za imenovanje, ne može na ponovnom konkursu biti izabrano i imenovano za direktora odnosno vršioca dužnosti direktora Instituta.
- Lice koje Upravni odbor imenuje za vršioca dužnosti mora ispunjavati opće i posebne uslove za poziciju direktora Instituta propisane normativnim okvirom i ovom odlukom, a odluku o imenovanju dostavlja Ministarstvu.

- (6) Vršilac dužnosti direktora ima sva prava i dužnosti direktora i može rukovoditi radom Instituta do imenovanja direktora, a najduže šest mjeseci od dana njegovog imenovanja.
- (7) Ukoliko je za direktora ili vršioca dužnosti direktora Instituta imenovano lice, koje je, neposredno prije imenovanja bilo u radnom odnosu na neodređeno vrijeme u odgojno-obrazovnoj ustanovi, na njegov zahtjev mogu mirovati prava iz radnog odnosa u skladu sa zakonom. Zahtjev se podnosi direktoru odgojno-obrazovne ustanove.

Član 21.

(Imenovanje i razrješenje organa upravljanja, nadzora i rukovođenja)

Postupak, kriteriji za izbor i imenovanje, kao i razlozi i procedure za razrješenje i suspenziju Upravnog odbora, Nadzornog odbora i direktora Instituta te druga relevantna pitanja će se preciznije urediti posebnom odlukom Vlade.

**ODJELJAK D. - Planiranje i izvještavanje**

Član 22.

(Planiranje i programiranje rada)

- (1) Rad Instituta odvija se na osnovu zakona, ove odluke i Godišnjeg plana i programa rada.
- (2) Godišnji plan i program rada priprema direktor Instituta i isti dostavlja Ministarstvu radi pribavljanja saglasnosti.
- (3) Prijedlog Godišnjeg plana i programa rada iz stava (2) ovog člana, nakon pribavljene saglasnosti Ministarstva, direktor Instituta dostavlja Upravnom odboru na razmatranje i usvajanje.
- (4) Usvojeni Godišnji plan i program rada zajedno sa Finansijskim planom za sljedeću godinu, Upravni odbor putem Ministarstva dostavlja Vladi i Skupštini do 01. decembra tekuće godine.
- (5) Izvještaj o realizaciji Godišnjeg plana i programa rada, najmanje jedanput godišnje direktor Instituta podnosi Upravnom odboru.
- (6) Odluku Upravnog odbora sa Izvještajem o realizaciji Godišnjeg programa rada iz stava (5) ovog člana, Upravni odbor dostavlja Ministarstvu najkasnije do 15. marta o čemu će Ministarstvo informisati Vladu.

Član 23.

(Izvještaj o radu sa finansijskim poslovanjem)

- (1) Upravni, odnosno Nadzorni odbor obavezan je da Ministarstvu kvartalno dostavlja zapisnike sa održanih sjednica Upravnog, odnosno Nadzornog odbora.
- (2) Godišnji izvještaj o radu sa finansijskim poslovanjem usvaja Skupština.
- (3) Upravni odbor Instituta je obavezan da podnese izvještaj o radu sa finansijskim poslovanjem za prethodnu godinu najkasnije do 15. marta tekuće godine.
- (4) Izvještaj iz stava (2) ovog člana obavezno sadrži informacije o uspješnosti rada i finansijskog poslovanja, kao i druge informacije i podatke. Elementi izvještaja iz ovog člana se preciznije utvrđuju posebnim aktom Ministarstva.

**VIII – ORGANIZACIJA I RADNICI INSTITUTA**

Član 24.

(Radnici u Institutu)

- (1) Organizaciona struktura Instituta, broj i vrsta radnih mjesta, potrebna stručna sprema se uređuju Pravilnikom o radu Instituta.
- (2) Radni odnos radnik zasniva u skladu da Uredbom o postupku prijema u radni odnos u javnom sektoru na teritoriji Kantona Sarajevo ("Službene novine Kantona

Sarajevo", broj 19/21), te u skladu sa drugim propisima koji regulišu oblast zapošljavanja.

- (3) Pojedine poslove iz djelatnosti Instituta može obavljati vanjski saradnik, o čemu odlučuje direktor Instituta uz saglasnost Ministarstva, a u skladu sa Pravilima Instituta.

Član 25.

(Stručno vijeće)

- (1) Institut ima Stručno vijeće koje se sastoji od predsjednika Stručnog vijeća, potpredsjednika Stručnog vijeća i tri člana, a imenuje ih i razrješava Ministarstvo za nauku, visoko obrazovanje i mlade Kantona Sarajevo.
- (2) Sjednice Stručnog vijeća, priprema i njegovim radom predsjedava predsjednik Stručnog vijeća.
- (3) Kod obavljanja djelatnosti iz člana 9., stav (3) tač. b), e), h), i), r), cc) i dd) direktor Instituta je obavezan zatražiti mišljenje Stručnog vijeća.
- (4) Izvještaj o radu Stručnog vijeća sastavni je dio Izvještaja o radu Instituta.

**IX – NADZOR NAD ZAKONITOŠĆU RADA INSTITUTA I INSPEKCIJSKI NADZOR**

Član 26.

(Nadzor nad zakonitošću rada i inspeksijski nadzor)

- (1) Nadzor nad zakonitošću rada, provođenjem ove odluke i drugih propisa iz djelokruga rada Instituta vrši Ministarstvo.
- (2) Inspeksijski nadzor nad radom Instituta vrši Kantonalna uprava za inspeksijske poslove u skladu sa zakonom.

**X – PRELAZNE I ZAVRŠNE ODREDBE**

Član 27.

(Početak rada)

- (1) Lice iz člana 28. stav (5) ove odluke će izvršiti upis Instituta u sudski registar i obaviti druge potrebne radnje za početak rada.
- (2) Lice iz stava (1) ovog člana se ovlašćuje da obavi upis u Sudski registar, da izradi pečate i štambilj, da pokrene sve potrebne aktivnosti za nesmetano funkcionisanje novoosnovane budžetske organizacije, da sazove prvi sastanak Upravnog odbora i da organizira naredne sastanke Upravnog odbora, da osigura vođenje zapisnika sa sjednica Upravnog odbora, da organizira prostor za rad i početna materijalna sredstva za rad.

Član 28.

(Vršioći dužnosti)

- (1) U roku od 30 dana od dana donošenja ove odluke, Vlada će imenovati vršioca dužnosti predsjednika i članova Upravnog i Nadzornog odbora Instituta.
- (2) Prvo imenovanje vršilaca dužnosti predsjednika i članova Upravnog odbora Vlada će izvršiti na način da imenuje tri predstavnika Ministarstva, od kojih je jedan predsjednik i dva predstavnika Vlade, na mandatni period ne duži od šest mjeseci.
- (3) Imenovanjem vršilaca dužnosti predsjednika i članova Upravnog odbora iz stava (1) ovog člana po sili ove odluke prestaje mandat licima zatečenim na poziciji predsjednika i članova Upravnog odbora.
- (4) Upravni odbor iz stava (1) ovog člana će u roku od osam dana, od dana dostavljanja odluke o imenovanju vršioca dužnosti Upravnog odbora raspisati javni konkurs za imenovanje direktora.
- (5) U periodu do imenovanja direktora, a najkasnije do 31.12.2021. godine, poslove predstavljanja i zastupanja Instituta će obavljati Kenan Osmanbegović.

## Član 29.

(Prestanak sa radom Instituta)

Institut prestaje sa radom:

- a) odlukom osnivača;
- b) ako ne ispunjava propisane uvjete za obavljanje djelatnosti iz člana 9. ove odluke;
- c) ako više ne postoji potreba ili uvjeti za obavljanje osnovne djelatnosti;
- d) ako mu je izrečena mjera zabrane obavljanja djelatnosti;
- e) ako se pravosnažnom odlukom suda utvrdi ništavnost upisa u sudski registar;
- f) ako je u nemogućnosti da ispunjava propisane obaveze, a ovom odlukom nije utvrđena odgovornost osnivača za te obaveze;
- g) ako se pripoji drugoj ustanovi ili podijeli na dvije ustanove i
- h) u drugim slučajevima predviđenim zakonom i drugim propisima.

## Član 30.

(Upotreba ženskog i muškog roda)

Terminološko korištenje ženskog ili muškog roda u ovoj odluci podrazumijeva uključivanje oba roda.

## Član 31.

(Prestanak važenja ranijeg propisa)

Danom stupanja na snagu ove odluke prestaje da važi Odluka o osnivanju Instituta za preduniverzitetsko obrazovanje ("Službene novine Kantona Sarajevo", broj 30/19).

## Član 32.

(Stupanje na snagu)

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-04-34036/21

13. septembra 2021. godine

Sarajevo

Predsjedavajući

Skupštine Kantona Sarajevo

Elvedin Okerić, s. r.

**Vlada Kantona Sarajevo**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 19. stav (2) Uredbe o organizaciji parkiranja, javnim parking površinama, parking zonama, izgradnji novih parkinga i organizaciji jedinstvenog sistema naplate parkiranja ("Službene novine Kantona Sarajevo", broj 52/18), Vlada Kantona Sarajevo, na 39. sjednici održanoj 02.09.2021. godine, donijela je

**ODLUKU**

**O DAVANJU SAGLASNOSTI MINISTARSTVU  
SAOBRAĆAJA KANTONA SARAJEVO ZA  
ODOBRENJE REZERVACIJE JEDNOG PARKING  
MJESTA GRADSKOJ UPRAVI GRADA SARAJEVA**

**I**

Daje se saglasnost Ministarstvu saobraćaja Kantona Sarajevo da odobri rezervaciju jednog parking mjesta po zahtjevu Gradske uprave Grada Sarajeva, a za potrebe parkiranja službenih vozila u ulici Brodac za 2021. godinu.

**II**

Korištenje parkinga iz tačke I ove odluke odobrava se bez naknade.

**III**

Za realizaciju ove odluke zadužuju se Ministarstvo saobraćaja Kantona Sarajevo za rezervaciju parking mjesta i Gradska uprava Grada Sarajeva za organizaciju parkiranja.

**IV**

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-32766-12/21  
02. septembra 2021. godine  
Sarajevo

Po ovlaštenju premijera  
Ministar  
**Davor Čičić, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 39. sjednici održanoj 02.09.2021. godine, donijela je

**ODLUKU**

**O DAVANJU SAGLASNOSTI KANTONALNOJ UPRAVI  
CIVILNE ZAŠTITE KANTONA SARAJEVO ZA PRIJEM  
DOBROVOLJNIH VATROGASACA ILI DRUGIH LICA  
KOJA IMAJU POLOŽEN ISPIT VATROGASCA ILI  
POLOŽEN ISPIT DOBROVOLJNOG VATROGASCA  
KOJI ISPUNJAVAJU USLOVE IZ ČLANA 105. STAV (2)  
ZAKONA O ZAŠTITI OD POŽARA I VATROGASTVU U  
RADNI ODNOS NA ODREĐENO VRIJEME**

**I**

Daje se saglasnost Kantonalnoj upravi civilne zaštite Kantona Sarajevo da primi u radni odnos na određeno vrijeme (na period do dva mjeseca) 15 dobrovoljnih vatrogasaca ili drugih lica koja imaju položen ispit vatrogasca ili položen ispit dobrovoljnog vatrogasca koji ispunjavaju uslove iz člana 105. stav (2) Zakona o zaštiti od požara i vatrogastvu ("Službene novine Federacije BiH", broj 64/09).

**II**

Prijem lica u radni odnos na određeno vrijeme iz tačke I ove odluke izvršit će se u skladu sa odredbama člana 111. stav (2) Zakona o zaštiti od požara i vatrogastvu i ista će biti raspoređena u profesionalnu vatrogasnu jednicu Kantonalne uprave civilne zaštite Kantona Sarajevo.

**III**

Za realizaciju ove odluke zadužuje se Kantonalna uprava civilne zaštite Kantona Sarajevo.

**IV**

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-32766-16/21  
02. septembra 2021. godine  
Sarajevo

Po ovlaštenju premijera  
Ministar  
**Davor Čičić, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i Odluke o proglašenju općeg dobra i prirodnog bogatstva dijelova preduzeća kojim upravlja KJKP "GRAS" d.o.o. Sarajevo i izuzimanju iz početnog bilansa i programa privatizacije ("Službene novine Kantona Sarajevo", broj 25/21), Vlada Kantona Sarajevo, na 102. vanrednoj sjednici održanoj 03.09.2021. godine, donijela je